



Bosna i Hercegovina, Federacija Bosne i Hercegovine,
Srednjobosanski kanton/Kanton Središnja Bosna, 72270 Travnik

PRAVILNIK O EKVIVALENCIJI POLOŽENIH ISPITA NA UNIVERZITETU U TRAVNIKU

Travnik, decembar 2018. godine

Na osnovu člana 64. Zakona o visokom obrazovanju (Službene novine SBK/KSB broj 4/13) i člana 58. Statuta Univerziteta u Travniku, Senat Univerziteta je na sjednici održanoj dana 27.12.2018. godine donio

PRAVILNIK O EKVIVALENCIJI POLOŽENIH ISPITA NA UNIVERZITETU U TRAVNIKU

OPĆE ODREDBE

Član 1.

Predmet Pravilnika

Pravilnikom o ekvivalenciji položenih ispita na Univerzitetu u Travniku (u daljem tekstu: Pravilnik) utvrđuju se postupak i kriteriji ekvivalencije položenih ispita na drugim visokoškolskim ustanovama, na Univerzitetu u Travniku, kao i postupak ekvivalencije položenih ispita studenata Univerziteta u Travniku prilikom:

- a) prelaska sa jednog na drugi studijski program na istoj organizacionoj jedinici;
- b) prelaska sa jedne na drugu organizacionu jedinicu;

Član 2.

Nadležnost za postupak ekvivalencije ispita

U postupku ekvivalencije položenih ispita nadležna je organizaciona jedinica Univerziteta u Travniku na kojoj se realizira studijski program odnosno predmeti čije priznavanje je predmet postupka.

U provođenju postupka ekvivalencije položenih ispita, organizaciona jedinica dužna je vršiti usklađivanje sa Evropskim prostorom visokog obrazovanja, poštujući načela fleksibilnosti, mobilnosti i prohodnosti.

KRITERIJI I POSTUPAK ZA EKVIVALENCIJU POLOŽENIH ISPITA

Član 3.

Prelazak s drugih visokoškolskih ustanova i kriteriji

(1) Studenti s drugih visokoškolskih ustanova mogu prijeći i nastaviti odgovarajući studij na Univerzitetu, u kojem slučaju mu se priznaju položeni ispiti u cjelosti ili djelimično, ukoliko postoji istovjetnost i/ili srodnost nastavnih programa, odnosno njihovog sadržaja i obim, što se utvrđuje odlukom Komisije za priznavanje ispita (dalje: Komisija) .

(2) Ukoliko postoji razlika u nastavnim programima položenih predmeta, ona se utvrđuje i student ju je dužan položiti tokom trajanja akademske godine u koju je upisan.

(3) Po okončanju postupka priznavanja položenih ispita, studentu prijelazniku utvrđuje se status studenta na Univerzitetu.

Član 4.

Pokretanje postupka i odlučivanje po zahtjevu

(1) Zahtjev za prelazak, uz ovjerene nastavne programe položenih predmeta (samo za studente izvan Univerziteta), te uvjerenje o položenim ispitima i ECTS bodovima, student podnosi fakultetu.

(2) Odluku o priznavanju položenih ispita s drugih visokoškolskih ustanova, na osnovu dostavljene dokumentacije iz stava (1) ovog člana, donosi Komisija.

(3) Komisija broji najmanje tri člana iz reda nastavnika, koji se imenuju na sjednici NNV fakulteta.

(4) Komisija odlukom priznaje studentu položene ispite iz onih nastavnih predmeta koji se po sadržaju prema svom nastavnom planu preklapaju sa nastavnim programom odgovarajućeg predmeta na Univerzitetu sa minimalno 55% i istu dostavlja dekanu fakulteta na potvrđivanje i donošenje Rješenja o prelasku odnosno upisu studenata na fakultet.

(5) Na rješenje iz prethodnog stava može se uložiti prigovor NNV-u fakulteta u roku od 8 (osam) dana, računajući od dana njenog prijema. Odluka po prigovoru je konačna.

(6) Ukoliko su priznati ispiti koji se prenose položeni na visokoškolskoj ustanovi koja je matična iz istih naučnih oblasti kao i organizaciona jedinica Univerziteta na koju se student upisuje, tada student na Univerzitetu u Travniku može da upiše narednu godinu studija u odnosu na godinu studija koja mu je priznata na toj visokoškolskoj ustanovi, bez obzira na postojanje eventualne razlike u nastavnim planovima, uz obavezu polaganja razlike predmeta.

(7) Ukoliko su priznati ispiti koji se prenose položeni na visokoškolskoj ustanovi koja nije matična u istim naučnim oblastima kao organizaciona jedinica Univerziteta na koju se student upisuje, tada student na Univerzitetu u Travniku može da upiše onu godinu studija koja odgovara broju priznatih kredit bodova i nastavnom planu organizacione jedinice i to:

- uz mogućnost prenosa 12 (dvanaest) ECTS kredita bez obzira na broj predmeta.

(8) Student je dužan da u daljem školovanju na Univerzitetu položi svu razliku predmeta utvrđenu nakon priznavanja ispita sa drugih visokoškolskih ustanova i da stekne broj kredit-bodova predviđen za upis u naredne godine studija u skladu sa odredbama ovog Statuta.

(10) Svaka organizaciona jedinica u skladu sa svojim nastavnim planom i programom, može pitanje prenosa ECTS bodova regulisati i drugačije, ali tu odluku mora odobriti Senat Univerziteta.

Član 5.

Dokumentacija

Uz zahtjev za ekvivalenciju položenih ispita potrebno je priložiti sljedeću dokumentaciju:

Original uvjerenje o položenim ispitima (transkript) iz kojeg je vidljiva ocjena položenog predmeta i broj ECTS studijskih bodova;

- Dokumente koji pokazuju:
- 1. naziv fakulteta i sadržaj nastavnog predmeta čija ekvivalencija se traži;
- 2. nastavni plan i program u okviru kojeg se nalaze položeni predmeti.

Član 6.

Prelazak s jednog studijskog programa/odsjecka na drugi, unutar Univerziteta

(1) Na zahtjev studenta moguće je ostvariti prijelaz s jednog studijskog programa na drugi, unutar Univerziteta/fakulteta, ukoliko su ispunjeni slijedeći uslovi:

a) ukoliko Univerzitet/fakultet ima prostorne, kadrovske i druge uslove za omogućavanje nastavka studija; te

b) ukoliko takav student preuzme obavezu polaganja ispita i izvršavanja drugih obaveza utvrđenih nastavnim programom, te ako se time ne dovodi u pitanje mogućnost izvođenja nastave studijske godine i studijskog programa s kojeg student vrši prijelaz i na koji prelazi, shodno standardima i normativima visokog obrazovanja.

(2) U postupku donošenja odluke iz prethodnog stava studentu se priznaju položeni ispiti iz općih nastavnih predmeta, te iz grupe zajedničkih nastavnih predmeta i utvrđuje se pravo na kojoj nastavnoj godini student može nastaviti studij.

(3) Ukoliko se udovolji zahtjevu za nastavak studija na drugoj organizacionoj jedinici Univerziteta, studentu se izdaje nova upisnica (indeks) i novi studentski list.

PRELAZNE I ZAVRŠNE ODREDBE

Član 7.

Stupanje na snagu

Ovaj Pravilnik stupa na snagu danom donošenja.

Broj: 915/18

Datum: 27.12.2018. godine

Rektor

prof. dr. Rasim Dacić